```
285 Beide lief unde spranc
     Segramors, der ie nâch strîte ranc.
                                                           Segremors, der n. st. ie r. *G (nur GI)
     swå der vehten wånde vinden.
     dâ muose man in binden,
5 oder er wolde dâr mite sîn.
     ninder ist sô breit der Rîn,
                                                            niergen ist *T
     sæher strîten am andern stade,
     dâ würde wênec nâch dem bade
     getastet, ez wære warm oder kalt:
                                                           Gerastet, *G (ohne LZ)
10 er viel sus dran, der degen balt.
                                                           ez viele (viel sus L) dran *T(L) · der helt b. *G
     Snellîche kom der jungelinc
                                                           sus kom der snelle j. *G (*T)
     ze hove an Artuses rinc.
     der werde künec vaste slief.
                                                           der k. dannoch v. sl. *T
     Segramors im durch die snüere lief,
                                                           im om. *T
 15 zer poulûnes tür drang er în.
                                                           er dar în. *T(L)
     ein declachen zobelîn
     zucter ab in, diu lâgen
                                                           ↓*G *T
     unt süezes slâfes pflâgen,
     sô daz si muosen wachen
20 unt sîner unvuoge lachen.
     Dô sprach er zuo der niftel sîn:
     »Gynover, vrouwe künegîn,
     unser sippe ist des bekant
                                                           des erkant *G U (V)
     – man weiz wol über mengiu lant –,
                                                           ü. manic (om. O) 1. -, *G (*T)
25 daz ich genâden wart an dich.
     nû hilf mir, vrouwe, und sprich
     gein Artuse, dînem man,
     daz ich von im müeze hân
     - ein âventiure ist hie bî -,
                                                           - ein â., diu ist hie bî -, *G (ohne Z) *T
30 daz ich zer tjost der êrste sî.«
```

\*D: D \*m: m \*G: G I O L Z \*T: T U V

1 Initiale D O 3 Initiale Z 9 Initiale G 11 Initiale I T U V · Majuskel D 21 Majuskel D T 23 Majuskel T

17 zuckete er ab den, die dâ lâgen \*m · zucter abe in, die dâ lâgen \*G (ohne Z) · zuhter abe in (Zoch von in U Zoch er V), dâ diu zwei lâgen \*T 18 slâfes] slâfens ([slafe\*]: slafes V) \*m (V) 20 unvuoge] ungevüege \*m (I O) 23 des] alsô \*m